

DISSERTATIO IV.

De proprietatibus & fructibus contemplationis.

ARTICULUS I.

Quid contemplatio in mente operatur?

I.

Sicut Philosophi aërem dividunt in tres regiones & quasi contignationes, nempe in *infimam*, ubi versantur homines, reptilia & volatilia animantia; in *medianam*, ubi fulmina & fulgura excoquuntur, venti, nubes, comæ, & alia meteora gignuntur; & *supremam*, ubi aër prorsus expersus est omnis alterius corporis, omnis permixtionis, omnis impuritatis, & in sua nativa simplicitate & munditie persistit. Sic etiam Doctores mystici ejusmodi tres regiones discernunt in homine. Primam & *infimam* constituunt sensus externi, corpus & membra corporis, sensus quatuor interni & uterque appetitus sensibilis. Ad *medianam* regionem spectant, ut habet Blo-

Blosius in præfatione ad institutionem spiritualem seu asceticam, tres superiores & rationales intellectualesque vires, quas habemus communes cum Angelis, nempe intellectus (qui & intelligentia dicitur) memoria ac voluntas. Ista tres præclare potentiae sunt spirituales sensus animæ. Nam visus internus attribuitur vi intellectivæ, auditus vi memorativæ, odoratus, gustus & tactus vi affectivæ atque amativæ, hoc est voluntati. Tertia & suprema regio consistit in ipsa essentia animæ, quatenus gratia sanctificante exornatae, ubi Deus & tota sanctissima Trinitas cum omnibus bonis & donis suis residet. Dicitur etiam hæc regio centrum & fundus animæ, mens & apex spiritus &c. Jam verò examinare cogito, quid contemplatio in ipsis regionibus seu animæ vivis & ipsa anima operetur.

2. Ab intellectu, quæ est suprema animæ potentia, initium sumo, & imprimis assero contemplationem elevare ipsum intelligentiam. ^{plat 1.} Dum enim terra: contemplationem elevare intellegunt ele- na cogitamus, intellectu reptamus in vatis. consequenter dum cœlestia & di- vina mente volvimus, ad cœlos & Deum elevamur. Tunc quidem corpore in terra consistimus, sed mens & animus ad Deum attollitur. Mens enim contemplatoris intra se relinquit omnia & se

& se ad Deum supremum , altissimum & incomprehensibile Ens mysticè sublevatur. Unde animus contemplatoris assimilatur aquilæ volucrum reginæ , quæ inferiora deserit , & ipsum solis lumen oculo non obnictante tuetur. Sic etiam Contemplator fide & dono sapientiæ adjutus se in altum levat , & in luce contemplationis ipsam Lucem increatam defixis obtutibus intuetur.

**2. Facie
attoni-
tum**

3. Deinde contemplatio facit attonitum & admiratione suspensum. Provenit hæc admiratio ex mirabilibus, quæ contemplator in Deo aspicit. Quid Deo mirabilius ? quid magis stupendum , quam Dei unitas & trinitas, quam divinae relationes & processiones, quam Dei misericordia & justitia , quam immutabilitas , æternitas , bonitas , infinitudo , sapientia , providentia & alia attributa , quæ in prima parte Theologiæ considerantur ? Nihil vel patrum de Deo novit , qui mirabilia Naturæ divinae non obstupescit. Non opus est multa speculatione & indagatione perquirere in Deo admirabilia. Homo simplex novit & credit symbolum Apostolorum ; & in hoc mirabilia , quanta omni admiratione dignissima continentur ? Omnis articulus fidei est mysterium , est arcanum reconditum , est ali-

aliquid transcendens naturam : & hinc omnis meretur admirationem.

4. Theologus itaque mysticus sub contemplatione hæret artonitus , nihil audet eloqui , non audet hiscere præ reverentia infinitæ majestatis , nullum audet de DEO optimo maximo nomen affirmare , sed exclamat cum S. Paulo Rom. 11. v. 33. O altitudo divitiarum sapientia & scientia Dei , quam incomprehensibilia sunt judicia ejus & investigabiles via ejus ! vel Deum laudat cum regio Propheta ps. 148. v. 1. Laudate Dominum de celis , laudate eum in excelsis &c. vel se demittit , ac Deum extollit , dicens v. g. ego abyssus nihili Tu abyssus Entis , ego abyssus miseriarum Tu felicitatis , ego abyssus ignorantiae Tu sapientiae , ego abyssus turpitudinis Tu pulchritudinis , ego abyssus impuritas , Tu puritatis.

5. Tertiò contemplatio facit ecstaticum. Ecstasis juxta S. Thomam 3. Ecstati-
cum.
1. 2. quæst. 28. art. 3. & 2. 2. quæst.
175. art. 2. ad 1. sic , cùm aliquis extra se ponitur. Anima verò contemplatrix à seipso & corpore quasi exit & egreditur , & versatur mente & affectu in & cum Deo. In actis Sanctorum nostri Ordinis legitur de S. Aemiliano, Sæc. 1. f. quod de eremo ac solitudine per Epis- 209. n. 12. copum

copum Tyraffonensem vocatus sit ad sacerdotium & curam animarum. Quo eventu, scribit vitæ Author, videbatur sibi quasi de cœlo traduci ad mundum. Anima enim contemplationi dedita non tam habitat in mundo, quam in cœlo & Deo. Quia nempe omnes ejus operationes non circa hæc infima & mundana, sed unicè circa Deum ac divina occupantur. Potest etiam ecstasis etiam provenire à dæmone, sicut etiam à naturæ debilitate aut vehementi imaginatione; ecstasis verò, quam Deus efficit, à tribus oritur principiis, nempe vel à magnitudine admirationis ex parte mentis in Deum ac Divina suspensæ, vel à vehementia amoris & inde consequentis exultationis ex parte voluntatis in Deo summo Bono defixa.

Semi-plenæ
nè

Vel plenæ.

6. Debemus autem hic consumere ecstasim in plenam & semi-plenam. Istam patitur contemplatrix anima, si tantum viribus superioribus intellectu & voluntate seu cogitatione & affectu exit à seipso & toto mundo, & in uno ac solo Deo defigitur. Illam patitur, si omnibus viribus, etiam sensibilibus, egreditur à se & toto universo, & tendit in Deum suum unicum & omne Bonum. Et tali animæ omnia, quæ in hoc mundo sunt, fastidium creant.

Nihil

Nihil amplius ei videtur pulchrum vi-
su, auditu suave, odoratu amoenum,
gustu acceptum, tactu festivum, ima-
ginatione jucundum, recordatione gra-
tum, appetitione delectabile præter DE-
um, ad quem unicè suspirat, anhelat,
exclamat.

7. Ecstasim consequitur raptus, quo 4. Raptus,
anima raptur ad divina. *Raptus addit,*
verba sunt Angelici Doctoris 1.2. quæst.
175. art. 2. ad 1. aliquid supra ecstasim.
Nam ecstasis importat simpliciter excessum à
seipso, secundum quem si licet aliquis extra
suam ordinationem ponitur. Sed raptus su-
per hoc addit violentiam quandam. Ani-
ma ergo contemplatrix, dum ecstasim
patitur, dulciter omnibus viribus ad
Deum sublevatur. Dum vero Deus rap-
tu eam dignatur, vi quadam & violen-
tiâ à se & mundo abstrahitur, & in
centrum animæ & in adyta divinitatis
raptatur. O opribilis violentia! ò du-
ra simul & blanda vis!

8. Hic rursum claritatis gratiâ di- *Raptus se.*
stinguere oportet inter ecstasim & rap-
tum vulgarem sive *sobrium*, & verè my-
sticum, qui etiam *ebrius* dicitur. Ille
est, quando anima non quidem se solâ,
sed concurrente divinâ gratiâ, omni
contentione se in divinorum contem-
plationem elevat, & sic unâ omnes suas
vires

vires & potentias tum internas , tum externas sanctâ quâdam violentiâ pariter à mundanis & mundo ad Deum & divina raptat. Iste est , si anima per singularem divinæ gratiæ motionem omnibus viribus impressam gratiôsè tangitur , & sic tota cum omnibus suis potentiis ad Deum raptur. Raptus sobrius per divinam gratiam in nostra potestate constitutus est , ebrìus à libera nostra voluntate nequaquam dependet , sed est donum Dei extraordinarium & peculiare , quo ipse mentem sublevat , & voluntatem ad vehementem amoris excessum lustollit , cum potentiarum suspensione & sensuum alienatione.

9. Adhæc Mysticî alios tres raptus statuunt. Primus contingit in infra regione , nempe in corpore , sensibus & appetitu sensibili ; secundus in mente , memoria & voluntate , & sic in secunda regione ; tertius in suprema regione & apice animæ. Primo respondeat oratio *recollectionis* , secundò *quietis* , tertio *unionis*.

10. Ejusmodi raptus legimus in vitiis Mysticorum , qui sub contemplatione omnem sensum circa res terrenas & humanas amiserunt , nihil viderunt , nihil auditu percepérunt , & verberati & acriter pulsati nihil doluerunt. Quia nem-

nempe contemplatio erat tam vehemens, fortis & efficax, ut non solum mentem & voluntatem, sed etiam appetitum utrumque sentientem, velut etiam sensus tum internos tum externos ad suum objectum, Deum scilicet, rapuerit. Hic raptus est singularis gratia, nec est in nostra potestate & arbitrio. Vocatur autem ebrius, quia nempe anima tunc praे gaudio ebria, exultat, clamat, & nimiam suam voluptatem, ebriorum instar, insolitis gestibus vel clamoribus prodit.

11. Quinto ex parte mentis alii fructus consequuntur. Nam augetur fides, Contemplatio enim ex sua ratione involvit actum fidei; actus vero intendunt habitus. Augetur donum sapientiae, quia, ut ex dictis patet, contemplatio non est quisunque actus fidei, sed qui illustratur & elevatur dono sapientiae. Augetur donum intellectus, quia hoc ad contemplationem per modum luminis principiorum concurrit, velut donum sapientiae per modum scientiae, ut ex tractatu de donis suppono. Augentur etiam alia duo dona Spiritus sancti, quae se tenent ex parte mentis, nempe scientia & consilium. Quia nempe contemplator, qua talis, semper ex donis & instinctu operatur, non

5. Auger
fidem,

Donum
sapientiae

Intellectus,

Scientia
& consi-
lium.

lib.

non ex virtutibus. Hinc dum considerat de articulis fidei & rebus spirituilibus, Deo inferioribus, hoc facit per instinctum Spiritus sancti & donum scientiae. Pariter cum de agendis consultat, vel judicat, vel agenda ordinat, haec non per virtutem prudentiae & virtutes ei annexas praestat contemplator, sed per altius lumen, nempe donum consilii.

*6. pruden-
tiam &
Theologi-
am.*

12. Licet autem directe & per se in contemplatione non eliciantur actus prudentiae vel ebuliæ vel finesis aut gnome; minùs actus Theologiae scholasticæ, polemicæ, asceticæ, positivæ, moralis &c. tamen contemplatio sub certa ratione omnes istos habitus & virtutes indirecte adauget. Et quomodo, quis, hoc evenit? Respondeo: tum quia Theologia mystica fidem illuminat, à qua isti habitus in sua perfectione dependent; tum quia est eminentius lumen, quo habito omnes alias Theologias quasi eminenter complectimur. Unde legimus de Sanctis omnis litterarioræ expertibus, imo & fæminis, quod melius & solidius de Deo rebusque divinis senserint & docuerint, quam Theologi pure scholastici. Et cur hoc? ideo, quia nempe scientia cœlitus infusa melior & perfectior est humano labore & studio

studio acquisita ; illam autem possident
Mystici , hanc verò Scholastici. In
hujus rei confirmationem plura possem
afferre exempla, quibus apertè demon-
stratur , quòd in notitia Theologica il-
li istos longè excedant.

ARTICULUS II.

*Quid operetur contemplatio in me-
moria?*

I. Memoria juxta S. Thomam &
communem ferè Philosopho-
rum non distinguitur à mente , sed est
ipsa mens ut recipiens species & ima-
gines mentis & conservans. In me-
moria verò tria maximè efficit sancta
contemplatio. 1. Species humanas & 1. Species
vanas , quas de rebus terrenis , & for- vanas era-
tē etiam obscenis , hausimus , de the- dit.
sauro memoriae velut eradicat. Frequen-
ti enim usu contemplationis ac eleva-
tionis ad superna & divina accidit , ut
similes species , nempe supernæ ac divi-
næ , generentur , & sic aliæ velut ex-
pellantur & opprimantur. Benè scio ,
quod species non contrariantur , sed lu-
pus & agnus , virtus & vitium , ignis
& aqua simul habitent in memoria , si-
ne pugna , sine mutuo conflictu ; sed

H

tamen

tamen vis specierum unius generis retunditur per copiam & virtutem & perfectionem specierum alterius generis seu classis. Deus sub contemplatione, inquit Guido in Scala Paradisi cap. 5. Facit animam terrenorum oblivisci, memoria sui eam mirabiliter fortificando, vivificando, & inebriando ac sobriam rediendo. Unde habemus infinita velut exempla in Viris perfectis & mysticis, quod omnium rerum sui & totius mundi fere obliviscantur, & solius Dei rerumque divinarum memoriam retineant. Magna profectio & grandis haec est felicitas & perfectio hujus vitae, hujus vitae velut non recordari; sed taliter esse in terris, ut animus versetur in cœlis.

**2. Divinas
multipli-
cas.**

2. Alterum, quod contemplatio præstat in memoria, est, quod species Dei ac divinorum augeantur, intendantur, & multiplicentur. Quoties enim naturaliter cogito, toties generatur species in memoria, vel si jam genita sit, augetur & intenditur. Si ergo cogito de Deo frequenter, frequentantur in memoria species Dei. Nam Philosophi tenent, quod memoria sit instar tabulae, quæ retinet, quidquid in ea scribitur, vel instar ceræ, quæ apta est quaslibet formas seu figuræ recipere.

pere. Unde si humana cogito , recipit formas humanas , si divina , divinas. Quoties autem de Deo cogito supernaturaliter & supra naturam , toties species supernaturalis infunditur vel jam infusa augetur , perficitur & magis illuminatur. Si Deus ipse per gratiam ordinariam species vel noviter infundat vel infusas noviter & singulariter ordinet , contingit vera visio divinitatis , seu intuicio Veritatis secundum se clara & clarissima , respectu tamen visionis beatæ adhuc obscura & tenebrosa. Contemplatio ergo memoriam quasi elevat & ad sublimiorum statum extollit , & facit quasi divinam , quia Dei formam & imaginem in ea scribit , imprimit & pingit : O si daretur intueri memoriam contemplationis , quas pulchras ibi formas & imagines supernaturales consiperemus ? Nam ibi apparerent excellensissimæ imagines divinitatis , sanctissimæ Trinitatis , sapientiæ , veritatis , potentiarum , immensitatis , bonitatis , & aliarum perfectionum divinarum. Apparebunt ibi picturæ rerum cœlestium plurimæ , saluberrimæ & splendidissimæ , nempe Christi Verbi incarnati , virtutum , Sacramentorum & aliorum mysteriorum fidei &c.

3. At vero dices : haec species Dei
H 2 re-

rerūmque divinarum obsunt magis contemplationis exercitio , quām prosunt. Nam censent Mystici , quōd contemplator , ut perfectē & mysticē agnoscat Deum , potiūs debeat species abigere ac removere , quām uti & adhibere. nimis enim humiliter & vilter consideratur maximus & altissimus Deus , si per imagines & picturas creatas , vellut sunt species repræsentatur.

4. Respondetur , quōd hoc in sensu sano & docte intelligi debeat. Nam pro statu viæ apprehendere non possumus aliter Deum , quām per species intelligibiles : at verò Deus non debet à contemplatore tam humilis judicari , qualem ipse apprehendit , sed infinitè altior & incomprehensibilis. Pro hoc itaque statu imperfecto non valemus absolutè species intelligibiles removere à nostra intelligentia ; sed tamen non debemus Deum talem & tam vilem aestimare , qualem nostræ species repræsentant. Itaque egemus speciebus in cognitione etiam mystica ; quōd enim perfectiores & intenſiores sunt species , hōc valemus perfectiorem & intensiorem contemplationem affirmantem seu positivam elicere: quōd autem hæc altior , hōc altior erit postea etiam negans contemplatiō.

s. Terc.

5. Tertiò contemplatio facit , ut^{3.} Incitat
Dei continuò simus memores , eum- *ad conti-*
que semper in fundo animæ præsen- *nuam Dei*
tem & operantem consideremus, ame- *recorda-*
mus, adoremus. Tum quia accedit *tionem,*
amorem ; amans verò semper cogitat de
amato, & assiduè occurrit memoriae :
tum quia auget & accumulat species de
Deo ac rebus sanctis , quæ Deum ac
res sanctas ex sua ratione ingerunt, &
ad easdem cogitandas mentem deter-
minant. Illius enim maximè & fre-
quentissimè recordamur , cuius vehe-
mentiores & frequentiores species ha-
bemus.

6. Quare homo multæ contem-
plationi deditus verè assimilatur Bea-
tis ac Cœlitibus. Sicut enim hi non pos-
sunt unquam obliuisci Dei , utpote ob-
jecti sui beatifici , ita etiam contem-
plator saltem longo tempore nequit
vivere , quin Deus ipsi occurrat. Nam
ei nulla res sapit , quin Dei memoriam
condiatur. Non sapit comedio , non
ambulatio , non recreatio , non col-
locutio , non alia operatio , nisi agatur
ibi etiam memoria Dei ; & si nemo ex-
teriorius ejus facit memoriam , ille saltem
interiorius non potest obliuisci.

7. Nam contemplatores aliqui eō
deveniunt, ut in omnibus rebus , quas

vident, audiunt, gustant, vel alias sensibus percipiunt, Deum potius quam rem ipsam percipient & expendant. Si quidem Deum credunt omnibus rebus intimum, & à Deo omnia suscipiunt, quæ ipsis obtingunt, & in toto mundo eveniunt. Gaudent jugiter de supraemate, dominio, & potentia Dei, qui facit in seipsis & in tota rerum universitate, quod vult & sibi placet. Gaudent de copia & egestate, de morbis & sanitate, de turpitudine & pulchritudine, de adversis & prosperis, de excessu & defectu, de gloria & contemptu, de cœlo, de purgatorio, de inferno, verbo, de omnibus gaudent, quæcumque vel sensui vel intellectui se objiciunt. Et cur hoc? quia nempe ex fide noverunt, quod hæc omnia sint à Deo, sint ad gloriam Dei, sint ad manifestationem divinarum perfectionum. Excipitur solum peccatum, de quo si memoria recurrat, intimè dolent, gemunt, ejulant; quia per se ac directe divinæ bonitati & laudi contrariatur. Interim tamen etiam prudens contemplator ex ipso malo & peccato bonum & gaudium elicit: quia vider, & hoc facere ad Dei gloriam, ejusque iustitiae ostensionem. Sicut ergo Deum nihil affligit; sic etiam hominem talem Deo unitum

tum & memoriam, intellectu & appetitu coniunctum, nihil valet dejicere, aut meroe afficere.

8. Quid enim contemplatorem affigat? quid eum torqueat? suum unicum & plenum gaudium collocat in Deo ejusque voluntate: at verò Deum nemo auferre potest, nec aliquid ejus voluntatem impedire. Unde cum regio Propheta in quocunque eventu & quacunque afflictione enunciat Ps. 76.

v. 4. *Memor fui Dei, & delectatus sum.* Si enim Dei præsentis, omnia providentis, omnia fortiter & suaviter dispensantis: memoria subit, omnis confessim tristitiae nubes recedit, & spiritualis lætitiae serenitas oritur & accedit.

9. Felix itaque ac ter felix homo, qui se totum dedit contemplationi, qui semper Dei recordatur; talis enim semper quoque delectatur. *Sicut Beati re-*
quiem non habent die ac nocte, dicentes: Apoc. 4. v.
sanc tus, sanctus, sanctus, Dominus Deus om-
nipotens, qui erat, & qui est, & qui ven-
turus est, sic etiam contemplator emulatur Coelites, fere nunquam quiescit. & quantum hujusvitæ defectus permitunt, semper Deum suum memoriam re-colit, ipsum laudat, prædicat, amat, complectitur, cum Beatis clamat de

die, & si evigilat, etiam de nocte :
Sanctus, sanctus, sanctus, Dominus Deus omni-
potens.

ARTICULUS III.

Quid operetur in voluntate?

Contem-
platio I.
volunta-
tem ele-
yat.

2. Gignit
charita-
tem.

I. EX parte voluntatis contemplatio, imò. facit, ut voluntas nihil amet de mundo, nihil de bonis terrenis; sed eam sublevat ad DEum ac cœlestia.

2. Secundò gignit charitatem *ac-
 tualem*, & intendit *habitualē*, ut sa-
 pè diximus. Sicut autem contempla-
 tio est non qualiscunque cognitio, sed
 hujus viæ perfectissima & excellentissi-
 ma : sic etiam actus charitatis ex ea
 procedens, non est vulgaris, sed al-
 tioris & eminentioris ordinis & ratio-
 nis. Intensio pariter bene consideran-
 da est. Nam brevi tempore contem-
 plator amplius in charitate progreditur,
 quam homo imperfectus longissimo.
 Item hæc charitas est pura, fortis &
 efficax, ideoque efficit munditiem cor-
 dis, gloriationem in adversis, castiga-
 tionem carnis, humilitatem mentis,
 despectionem terrenorum, desiderium
 supernorum, & operationem omnium
 virtutum.

3. Ter-

3. Tertiò spem Theologicam plurimum auget. Nec fortè ingerat docens Lector. Habitus intenditur per ac-^{3. Auger}
tus; at verò spes raro elicetur sub contemplatione; quia hæc tota conficitur & compleatur fide & amore. Nam hoc absolute negatur. Spes enim semper intervenit non minus quam charitas: quod exinde patet. Quia, dum contemplamur, non credimus Deum nobis praesentem quomodo curique & sicut est in omnibus creaturis, sed etiam speramus praesentem per gratiam, charitatem, unionem, amicitiam & familiaritatem. Unde veram & perfectam contemplationem non potest non comitari semper spes: & consequenter semper intenditur, non minus quam fides & charitas.

4. Sed ais: nulla aut vix spei mentio facta est superius Diff. 3. art. 6. & 7. sed unius fidei & charitatis. Nam & spei jam memini, licet forte non tam frequenter & tam expressè. Neque hoc erat opus, ut tam explicitè illam in processu contemplationis posseremus: quia in actu fidei in quo constituitur natura contemplationis, jam involvitur, & ab ea nunquam separatur. Evidem fides potest esse sine spe; fides autem *contemplatrix* non est, quæ

sine spe est, seu quæ spem non includit, infert, & ex se velut profundit.

4. Parit
gaudium,

Et chari-
tatempro-
ximi.

5. Quartò contemplatio purum quoddam efficit gaudium; quo de bonis divinis ejusque attributis & personis jugiter gaudemus. Item efficit pacem, ut nempe homo in nulla alia re suam ponat quietem, præterquam in Deo. Item facit, ut proximum non duntaxat verbo sed opere & veritate diligamus. Adhæc contemplator est misericors, & viscera habet plena misericordiæ. Unde nemo sollicitius, diligentius opera misericordiæ tum corporalia tum spiritualia, si loci, temporis & statūs conditio admittat, illo exercet. Præterea omnis expers est acediae, pigritiae, teporis, expers omnis odii, invidiæ, discordiæ, contentionis, rixæ & aliorum vitiorum, quæ charitati fraternali & christianæ repugnant. Ratio horum omnium est: quia nempe S. Thomas 2. 2. quæst. 28. &c. Hæc omnia ponit tanquam effectus interiores seu exteriores, seu tanquam res contrarias charitati; sic etiam rectè ponuntur fructus & effectus contemplationis. Axionema enim est in scholis receptum: quod est causa causa, est etiam causa causati. At verò contemplatio est causa charitatis; & consequenter etiam causa erit illo-

illorum, quorum causa est ipsa charitas.

6. Ex quibus colligitur, quod contemplatio etiam reddit ad vitam agentem, ad curam animarum, ad dirigendas aliorum conscientias &c. Ratio est: quia contemplator cœlesti pollet sapientiâ, scientiâ, consilio, & prudentiâ; ardet etiam amore Dei & proximi; zelus quoque animarum in ipso purus est, & ab amore proprio alienus.

7. Quinto contemplatio præstat, Efficit voluntati in Deo & erga Deum unionem, in hæfionem, extra sin, liquefactionem, læsionem; item facit eam præ amore vulnerari, languere, inebrari, effervesce re, ebullire &c. ut tenent communiter Mystici. Ratio est: quia hos & similes effectus prolignit fervens charitas; at verò pro statu viæ nunquam magis effervescit charitas, quam in actu contemplationis.

8. Nec fortè ingeras: hos fructus parit quidem sapida contemplatio, si quis nempe in benedictionibus dulcedinis præveniatur; insipida autem horum & similium fructuum expers est.

9. Respondeatur: qui taliter sentit, male sentit. Contemplatio etiam insipida est fœcunda & fertilis, & dic

tos fructus parit, non quidem sensibili-
ter & in sensibus, sed spiritualiter & in
voluntate. Non enim debeimus istos
effectus tam crudè, tam corporaliter su-
mere, velut sonant verba, sed in sensu
altiori & sublimiori. Sicut ergo amor
purior est in contemplatione insipida;
sic etiam gaudium, pax, unio, inhæ-
sio, ecstasis, liquefactio, & hujusmo-
di. Errant hic & maxime errant, qui
nimis sensibiliter cum contemplationem
cum effectus ejusdem apprehendunt,
cum tamen & illa & isti à materia &
sensibus longissimè separantur, & ad res
spirituales, & ipsum Ens spiritualissi-
mum, Deum, proximè velut accedant.

**6. Reddit
iustum
plene.**

10. Sextò contemplatio volunta-
tem reddit expeditam ad opera justitiae
& virtutum ei subjectarum & adjuncta-
rum. Contemplator ergo cuique suum
tribuit amore Dei, & odit ac execra-
tur detractionem, judicium temerarium,
injuriam, acceptionem personarum, &
quodlibet genus injustitiae; & contra in-
clinatur ad omnes justitiae actus. Nam
iustus est in commutatione, æquus in
distributione, devotus in religione, at-
tentus in oratione, fervidus in laude di-
vina, in sacrificio & aliis sanctis ope-
ribus. Adhæc pius est erga parentes,
observans erga excellentes, devotus er-

ga

ga Sanctos , obediens erga Præpositos,
gratus erga benefactores , severus erga
malfactores , affabilis & verax erga
omnes.

11. Ratio verò , cur tot affectus
& effectus contemplationi assignentur,
multiplex est : triplicem afferro. Tum
quia hujusmodi virtutum actiones sub
contemplatione *affectionis* Deo offert ,
ac ex pura dilectione exercet : tum quia
contemplatio voluntatem convertit effi-
cacerit ad Deum , & consequenter eti-
am ad illa , quæ ad Dei consecrationem
proficiunt : tum quia contemplatio vi-
vidam & fervidam reddit charitatem ,
quæ justitiam cardinalem , & omnes vir-
tutes ad ipsam pertinentes , velut regi-
na , suo movet imperio.

12. Et quod maximè consideran-
dum & æstimandum est , omnes præ-
dictas virtutes non exercet contempla-
tor vulgari & communi modo , sed
altiori & mystico , nempe ex imperio
charitatis & influxu doni pietatis . Non
enim contemplatio efficit purè justum ,
sed cum quadam eminentia & quasi su-
perjustum & elevatum supra communem
virtutem justitiae . Ratio jam insinua-
ta est , & ex tractatu de donis sumitur .
Nam dona sunt eminentiora virtutibus ;
proprium autem est contemplatoribus

non operari nudè ex virtutibus etiam supernaturalibus , sed habitibus donorum , quæ illas perfectione ac excellentiâ transcendunt. Hinc juxta sanctum Thomam 1. 2. quæst. 68. art. 1. actus justitiae seu alterius virtutis ipsi annexæ , & actus doni pietatis specie distinguuntur ; & iste illum perfectione non tantum accidentariâ , sed etiam essentiali excedit. Unde contemplator quâ talis , sublimioris generis opera justitiae exercet illo , qui dono Theologiae mysticæ caret.

13. Ex quibus facile colliget Aſcēta , quantum voluntas contemplatione eleveretur ac decoretur : quia nempe in eadem gignit contemptum mundi , auget charitatem , spem confortat , justitiam parit , & velut divinam efficit ac reddit. O felix illa voluntas , quæ hujus cœlestis sapientiæ efficaciam suscipit & experitur !

A R T I C U L U S IV.

Quid operetur in aliis viribus , & ipso corpore ?

Contentio 1. **N**on solum ad vires spirituales ; platio per. sed etiam ad sensibiles virtutem ficit suam extendit & diffundit contemplatio.

tio. Et imprimis ad quatuor sensus ^{I. Sensus} internos. De quibus sciendum est, quod ^{internos.} ex se & natura sua inclinent ad res sensibiles cogitandas: sensus enim utique ex se non versatur circa spiritualia & à sensibus remota? Sed quid in eis operatur contemplatio? respondeo, efficit velut spirituales. Sed ais, repugnat, ut potentia ab intrinseco sensibilis fiat spiritualis. Quare hic modus loquendi in sensu sano debet intelligi. Nempe contemplatio istas quatuor potentias non intrinsecè, sed extrinsecè facit spirituales.

2. Pro cuius propositionis intellectu notandum est & supponendū, quod in libris de anima Philosophi nostri docent, nempe, quod hi quatuor sensus, licet ex se propendeant ad objectum sensibile, tamen extrinsecè elevari possint, ut modo sibi proprio spiritualia percipient. Unde contingit, quod homines verè spirituales spiritualia somnient; quia nempe phantasia plena est speciebus de Deo rebusque divinis ac cœlestibus. Hoc etiam sensu forte dixit sponsa Cant. 5. v. 2. Ego dormio, & cor meum vigilat. Id est, sensus quidem externi dulci sopore quietescunt; sed tamen sensus interni vigilant & somniant: sed quid? Dilectum. Nam veluti sanctæ & piæ

piæ animæ rebus sanctis & piis; sic mali & mundani homines rebus malis & mundanis in somno & quiete occupantur.

3. Affidua ergo contemplatio sensus internos quasi ad alium & perfectiorem statum transfert; eoque velut sanctificat, & si ita loqui fas est, canonicat, & divinizat. Nam sicut homini vano sensus isti non exhibent, nisi vana, humana, terrena; sic homini perfecto & contemplatori fere non representant nisi gravia, superna, & diuina. Nempe id nobis frequenter cogitatione recurrit, cuius habemus species; at verò homo spiritualis & contemplator in sensibus internis ob continuam rerum spiritualium meditationem ferè tantum species possidet de Deo, perfectionibus divinis, & aliis rebus spiritualibus. Unde necessum est, ipsi fere non recurrere nisi sancta, nisi æterna, nisi superna.

2. *Appetitum concupiscentem,*

4. Deinde contemplatio utrumque etiam appetitum, tam concupiscentem quam irascentem, perficit, facitque, ut contemplator jucunda, tranquillaque mentis libertate gaudeat, elevatus supra omnes curas, turbationem, metum mortis, inferni &c. amat ergo mysticus, desiderat, gaudet unicè de Deo sum-

summo Bono , & aliis bonis , quæ ad Deum ordinantur & perducunt. Contraria odit , fugit , dolet & execratur peccatum etiam levissimum , utpote , quod Deum offendit. Item temperans est , deditus abstinentia & sobrietati , jejunio addictus , quidquid castitati vel pudicitia vel à longè adveratur , cane pejus & angue fugit & averatur. Adhæc Angelicam præfert modestiam. Gestus , facies , incessus & totius corporis habitus internam significant & spirant sanitatem. Humilis est , ideoque propriam excellentiam laudem & honores fugit. Studiosus est sacræ lectionis , maximè Scripturæ , & otium tanquam pestem declinat. Nec etiam tetricus est , sed occasione ferente virtutem eutrapelia ostendit , sed tali moderarione , ut Deo & hominibus placeat , ut nec excedat nec deficiat , sed medium virtutis , ex divini Spiritus inspiratione , perfectè attingat.

5. Similiter contemplator in appetitu irascente perfectus est : hujus enim passiones freno rationis gubernat. Fortis est , ridetque in mortis periculis & ipsa morte , ad quam singularis momentis paratum se Deo offert. Magnanimus est ; cùm enim sit magni spiritus , non nisi magna pro Deo ejusque gloria

3. Iraſcentem.

gloria attentat. Sed nimirum, ut experior, hic tractatus cresceret, si vellem omnia opera & virtutes contemplatoris & fructus ac effectus contemplationis describere. Quare dicendum est, & certissimò tenendum, quòd contemplatio in omni genere virtutum & in omni actione perfectum efficiat. *Sicut in quibusdam carnalibus officiis*, inquit author *Scalæ Paradisi* cap. 5. *adèo vincitur carnalis concupiscentia*, quòd omnem usum rationis amittit, & fit homo quasi totus carnalis: ita meritò in hac superna contemplatione ita consumuntur & absorbentur carnales motus ab anima, ut in nullo caro spiritui contradicat, & fiat homo quasi totus spiritualis.

4. *Ipsos sensus ex-ternos reficit, vividos & vegetos reddit, & corpori longævitatem im-*
corpus. 6. Contemplatio ipsos etiam sensus externos reficit, vividos & vegetos reddit, & corpori longævitatem im-pertit. Nam præter abstinentiam & moderationem passionum (quæ ad longam vitam plurimùm faciunt) ratio potissima, cur viri sancti & perfecti in annos plurimos vitam eduxerint, est dulcedo contemplationis. Unde etiam legitur de pluribus Sanctis, quòd ægri & lecto affixi ob tacum *mysticum*, quo Deus illos dignatus est, subito convalluerint. Nec mirum hoc aut incredibile videri debet. Contemplatio enim, dum

dum in corpus se exerit , longè superat aurum potabile & omnis medicinæ, quantumvis pretiosæ virtutem & efficaciam. Siquidem cor mirabili prorsus virtute recreat, omnes arterias penetrat , sanguini vigorem inspirat , & totum corporis habitum suaviter afficit & vitam ac valetudinem instaurat. Unde inter alios effectus sapientiæ Sapiens Prov. 3. v. 16. enumerat longitudinem dierum & alia bona temporaria. Sic enim ait : *Longitudo dierum in dextera ejus, & in sinistra illius divitiae & gloria. Via ejus via pulchra, & omnes semitæ illius pacifica &c.*

7. Ex quibus demum omnibus concluditur , quod Theologia mystica & ejus operatio , nempe contemplatio , bonum sit prorsus inæstimabile , incomparabile. Nam in seipsa actus est eminentissimus , & similes prorsus habet proprietates , fructusque progignit. Bonum est grande , maximum , efficacissimum. Superat non omnem tantum sensum & facundiam , sed omnem etiam humanum captum & intellectum , hominemque quasi divinum efficit. Et hæc non dicuntur hyperbolice sed planè & sine exaggeratione. Nam verè homo per contemplationem torus renovatur & commutatur , inque

inque eo completerur perfectè , quod S. Paulus monet Ephesios cap. 5. v. 23. Renovamini spiritu mentis vestra , & induite novum hominem , qui secundum Deum creatus est in iustitia & sanctitate veritatis. Contemplando enim sit homo aliis & novus mente , memoriam , voluntate , sensibus internis , appetitu sensibili , & ipso corpore , Deumque quasi & Christum induit in iustitia & sanctitate veritatis.

Conclusio. 8. Quis ergo tam imprudens est , qui non amore tanti boni tangatur , qui desiderio erga illud non exardescat , qui non statuat , per tela , per arma , per ignes , id est , per quælibet dura & aspera querere & eluctari ad verticem contemplationis ? O quæ & quanta hoc in mundo est cœcitas , quanta ignorantia , quanta insipientia ! pro bonis levissimis , pro honoribus , pro opibus , pro voluptatibus laboratur , sudatur , confligitur ; & usque ad mortem fatigatur hic mundus ; & pro bono tam gravi , tam eminenti pigrescimus , dormitamus ! Filii hominum , usquequo gravi corde , ut quid diligitis vanitatem , & queritis mendacium ? Ps. 4. v. 3. Quamdiu gravi corde queritis hæc infima , hæc vana , hæc mendacia bona ? cur mente non intenditis ad contemplationem sum-

summi & infiniti Boni? in hujus enim cognitione & dilectione praesentis vitæ beatitudo est constituta.

ARTICULUS V.

Proferuntur causæ neglecti contemplationis.

1. **M**irum profectò est & valde mirum, quod tam pauci & rari sint, qui se dedant ex toto corde & viribus contemplationi, cum tamen non pauci sint, qui bona ejusdem immensa neverunt, legerunt, & apprehenderunt. Quare operæ premium erit, hic causas quasdam producere, quæ multos à studio hujus divinissimæ sapientiæ avertunt.

2. Primò aliqui putant, quod de- Negligitur berent vitam asperimam & opera pœ- 1. ob hor- nitentiaæ extraordinaria assumere, si rorem dif- vellent operam Theologiae mysticæ ficultatis. navare. At verò hoc non requiritur; sed omnino satis est, si in statu, ad quem quis vocatus est, piè & sanctè vivat.

3. Secundò alii causantur se non- 2. Ob pœ- dum præparatos & dispositos, & ad- fillanimi-
huc in via purgante hærente. His au- tem

tem dico, si nondum sunt dispositi, laborent, & se disponant. Cæterum in vita præsentî non valemus vitia penitus delere, sed præcisè iis animum purgare & mundare. Etiam contemplatores sunt leves peccatores & actu labuntur; sed tamen mox resurgunt, & in animo gravissimum horrorem omnis peccati sovent ac retinent. Deinde operibus fidei & charitatis, quæ sub contemplatione exercentur, vitia etiam extirpantur, & quidem longè efficacius & celerius quam exercitiis viæ purgantib.

*3. Ob de-
fectum
Magistri.*

4. Tertiò alii negligunt Theologiam mysticam defectu Magistri & Directoris, qui eos instruat & dirigat in via ad hanc divinam scientiam. Non enim tam multisunt, qui hic multam possideant notitiam. Doctos in humanis scientiis passim reperimus, sed in hac divina non tam multis.

5. Fateor, his ægrè consilium suggero; puto tamen, quod talibus providerit Deus de Magistris mortuis, nempe libris, ex quibus disci valet hæc scientia; maximè si tales sint, qui non præcisè naturam & proprietates contemplationis examinent, sed etiam usum ad illam pervenienti doceant ac demonstrent. Quidam hic errant, continuo legunt, sed non libros tractan-

tes

tes de perfectione , & ideo nunquam assumunt exercitia perfectionis. Ponamus aliquem , qui cupiat discere omnes prorsus scientias , libros tamen præcisè legat de vocibus & constructionibus ac rebus grammaticis docentes ; talis in severioribus disciplinis nunquam proficeret. Sic etiam res se habet apud quosdam Ascetas , qui ideo in perfectione & Theologia mystica non progrediventur ; quia non legunt nisi libros , qui pro incipientibus scribuntur , non tales , qui statui perfectorum respondent. Itaque debet liber esse appositus legenti , & ipsius statui , virtuti , gratiæ , & aliis adjunctis convenire. In libris autem mysticis selectus faciendus est , qui enim hoc nomine circumferuntur , aliqui periculosi sunt , & proscripti , aliqui nimis obscuri , alii purè speculationi intendunt ; ex quibus lector , maximè non satis doctus , parum commodi & spiritus hauriet. Quare libri Candidato Theologiæ mysticæ congrui & accommodi erunt quoque illi , qui de fide , spe & maximè charitate , qui de Deo & perfectionibus divinis , qui de perfectione , item qui de tribus viis ad perfectionem nempe purgante , illuminante & uniente , pertractant. Repeto autem , maximè qui de
cha-

charitate agunt, erunt utiles studioso
hujus Theologiæ; charitas enim est fi-
nis ejusdem, & ille solum meretur
nomen Theologi mystici, qui mere-
tur nomen amantis seu amatoris.

4. Ob in-
constan-
tiam,
& aridi-
tatem.

6. Quartò alii incipiunt studium
Theologiæ mysticæ, sed mox desistunt;
quia tactum mysticum non experiuntur,
nec aliquem in puris fidei & charitatis
actibus gustum percipiunt. Nimis du-
rum & acerbum multis videtur in ora-
tione per integrum horam consistere si-
ne ullo gustu, & per diem assiduè ani-
mo revolve Dei tum in nobis tum ex-
tra nos præsentiam. Unde ipsi Theo-
logi mystici tenent, quod in hujus scien-
tiæ affectuonē sit maxima austoritas.

7. His respondeo, quod equidem
verum sit, quod à principio maximè
maxima sentiatur in hoc studio austeri-
tas; quæ tamen successivè tollitur; &
quod priùs videbatur acerbum, sit ipso
usu amabile & delectabile. Non de-
bet quælibet difficultas absterrere. Mag-
num & maximum bonum est Theo-
logia mystica, & digna est magno &
maximo labore. Non enim non po-
test velut in immensum crescere gratiā,
fide, spe, charitate, meritis & præmio,
qui aliquot annis Theologiæ mysticæ,
etiam vulgari (quæ est sine tactu my-
stico

stico & in nostro , cūm gratia Dei ordinaria, stat arbitrio) operam impedit. Nam ad minūs octo v. g. gradibus quotidie in gratia & charitate augetur ; quia ad minūs octo fidei & charitatis actus quotidie exercet. Hic ergo dico omnibus sacræ hujus scientiæ Candidatis , quod S. Pater in prologo sacræ Regulæ ad suos Religiosos Filios dixit & scripsit. *Si quid paululum restrictius dictante aquitatis ratione, propter emendationem vitiorum & conservacionem charitatis processerit, non illico pavore perterritus, refugias viam salutis, qua non est nisi angusto initio incipienda; processu vero conversationis & fidei, dilatato corde inenarrabili dilectionis dulcedine curritur via mandatorum Dei.* Omne initium grave , & consequenter hoc etiam Theologiae mysticæ initium , sed progressus est suavis & terminus est suavissimus , & inenarrabilis dulcedinis.

8. Austeritas proinde , quam ponunt Mystici in contemplatione , debet prudenter capi & doctè exponi. Nam idè oratio & aspiratio contemplationis à Doctoribus mysticis opus nominatur *austerissimum*; quia contemplator , velut captivus & catenis vincitus , ad unum ligatur objectum : evagatio sensuum tum externorum tum internorum,

194 Diff. IV. De Proprietatibus.

& utriusque appetitus sentientis coërcetur: libertas voluntatis ad unum bonum amandum constringitur, & intellectus, nec non memoria ad unum verum considerandum & memorandum, nempe Deum, arctantur. Sed hæc ipsa austritas est contemplatori dulcis, hæc ligatio ad unum & captivitas omnium potestiarum ad Deum, ipsi est suavis, amabilis, & optabilior omni libertate.

5. Ob contemptum. 9. Quintò aliqui præsentis sæculi Scioli, tractatus mysticos nec oculo diginantur, vel omnino tanquam inutiles subsannant.

10. His quod scribam, aptius non invenio, quam quod scripsit Dionylius Carthusianus, cognomento Doctor Ecstatis, alteri Doctori religiosæ vitæ æmulo, his verbis: O quam parum agnoscis, quid operetur Altissimus in veris solitariis, quos abscondit in abscondito vultus sui à conturbatione hominum, & protegit eos à contradictione linguarum, quos dicit in solitudinem, ut loquatur ad cor eorum, quodrum mentes præstringit, & dicit eas ad gaudia silentii, ad diem, qui est sine tumultu, in regionem lucis immensæ, ad mysticas visiones & Theoria contemplationis sinceritatem, ita, ut in sanctæ Deitatis in aeterna Veritatis abyssum demersi, supernaturales fidei veritates, & ordinem crederem.

Art. VI. De Contemplatione verè mystica. 195

dendorum, ecclesiasticeque Hierarchia, infallibiliter clarius ac certius intueantur, quām ex scholastica notitia conspici queat. Nonne fortius est lumen gratia quām natura: illuminatio quām exercitatio: supernaturalis inspiratio quam scholastica disputatio &c.? non ergo despicias talium scripta ac monita.

11. Sextò Author Scalæ Paradi- 6. Ob ne-
si cap. 12. quatuor ponit causas, quæ cessitatem
retrahunt nos plerumque à contemplatione, &c.,
de qua ibi sermo, scilicet inevitabilis ne-
cessitas, honesta actionis utilitas, humana
infrmitas, mundialis vanitas. Prima est
excusabilis, secunda tolerabilis, tertia mi-
serabilis, quarta culpabilis. Nam verè
culpabilis est, qui ob vana hujus mun-
di gaudia deserit ac spernit divina, quæ
sub contemplatione hauriuntur.

ARTICULUS VI.

De effectibus contemplationis verè mystica.

1. Extraordinariæ contemplationis ef- Effectus ex
fectus obiter & breviter expono;
quia ferè ex præmissis colliguntur. Ita-
que contemplatio verè mystica rapit
mentem modo eminentiori quam vul-
garis.

garis, ita, ut Deus, unitas, trinitas, attributa, & alia fidei mysteria velut clarissime & per experientiam conspiciantur. Quod quidem qualiter eveniat, sumitur ex dictis. Deus nempe extraordinarium lumen infundit, quo mens contemplatoris illustrata, longè aperi-^{3.} tius Deum ac divina intelligit, quam homo imperfectus sibi possit imaginari.

Mentis

2. Evidenter hic Deus non cognoscitur clare sicut in patria, hæ tamen duæ cognitiones assimilantur & comparantur. Et imprimis differt contemplatio verè mystica viæ à visione beata; quia hic Deus non videtur omnino clare, nec per intuitionem, nec quoad quid est seu essentiam, in cœlo autem clarissime quidditatirè & intuitivè conspicitur. Secundò hic Deus media specie cognoscitur, in cœlo autem Deus ipse illabitur mentibus Beatorum & vi-^{4.} ces supplet speciei. Tertiò hic Deus cernitur lumine extraordinario trans-^{5.} unte, ibi lumine gloriæ permanente. Quartò hic Deus immediate unitur voluntati, intellectu foras manente & no-^{6.} titiam experimentalem emendicante à gustu voluntatis; in cœlo autem unitur prius menti & deinde voluntati. In sta-^{7.} tu gloriæ mens primò attingit Deum & obtinet, in statu viæ voluntas. Equi-^{8.} dem

dem Deus hic non tantum cognoscitur per negationem, sed per experientiam, in cœlo autem omnino per clarissimam intuitionem.

3. Conveniunt autem hæ duæ contemplationes, quia utraque est supernaturalis, utraque luminosa, utraque connexa cum ferventissimo amore, utraque post se trahens deliciosissimam fruitionem divinæ bonitatis immedia-
te in seipsa.

4. Memoria in contemplatione *Memoria* mystica vel novas & extraordinarias species à Deo accipit per infusionem, vel existentes taliter dilponuntur, ut in eis non communi sed extraordinario modo Deus & divina traluceant. Cùm enim voluntas Deum in seipso gustet & contingat, in memoria consurgunt species Deum & ejus gustum per experien-
tiam repræsentantes. Item memoria per influxum divinum redditur tranquilla & serena, nec non idonea ad exhiben-
dum voluntati gustum de Deo habi-
tum & ipsum Deum tali gustu immedia-
te attractum. Quo sit, ut anima qua-
si continuò rapiatur in Deum, abjectis
aliis negotiis & toto mundo, ad illius
conspicuum & gustum anhelans.

5. In his ergo cognitionibus, vi-
sionibus & recordationibus oportet

quinq^{ue} vel sex gradus (velut innuit S. Thomas 2. 2. quæst. 175. art. 3. ad 1.) ponere & distinguere. Primus est, quando divina veritas per species imaginarias & proprio marte efformatas repræsentatur. Secundus est, quando Deus per species purè intelligibiles & à phantasmatis abstractas proprio conatu menti exhibetur. Tertius est, quando veritas divina per species aut cœlitus ordinatas vel de novo infusas & gratuitò communicatas revealatur. Quartus est, si per viam negationis & remotionis ab omni specie, quæ nobis inest aut per industriam vel infusionem, Deus ut incomprehensibilis & supra omnem species proponitur. Non quidem abest hic omnis species, sed Deus infinitè altior, quam species exhibit, indicatur. Quintus est, cùm Deus & infinita & incomprehensibilis magnitudo, bonitas & dulcedo per experientiam, quam ministrat voluntas divinam suavitatem degustans, agnoscitur. Sextus est, cùm mens Deum ut est in se per lumen gloriae transeunter communicatum, sine ullius speciei & imaginis interventu clarissime intuetur. Primi quatuor gradus liberaliter conceduntur personis Theologiae mysticæ studiosis, in quinto consistit

sistit Theologia & contemplatio verè mystica, sextus omnino rarissimus est, legitur tamen tributus Apostolo, qui raptus in tertium cœlum, ibi Deum ut est in te per lumen gloriæ transeunter communicatum conspexisse videtur, de quo tamen Patres & ex ipsis Doctores cum divo Thoma citato art. 3. adhuc contendunt. Hoc etiam singulare gratiæ privilegium videtur S. Gregorius lib. 2. dialogorum cap. 35. S. Patri Benedicto tribuere. Quia verò hic gradus contemplationis per se non est proprius viæ sed patriæ, ideo à Doctoribus mysticis non solet attendi vel explicari.

6. Interim dum mens contemplatione & notitia experimentali suspenderetur, voluntas præsupponitur per mysticam unionem, dilectionem, & fruitionem Deo intimè conjuncta & adstricta. Quare præcipuus effectus, quem Theologia mystica intendit, maximè consurgit & perficitur in voluntate, quæ per amorem fruitivum immediate degustat divinam bonitatem. Voluntas enim divino amore fervens altius caput effert quam̄ mens, & unio voluntatis dignitate longè excedit contemplationem mentis. Illa enim procedit à charitate, ista verò à fide & dono sapientiæ & lumine transeunte; constar autem

charitatem præcedere fidem, donum sapientiae & omnes virtutes. Hinc eriam amor, unio & gaudium mysticum magis assimilatur amori, unioni & gaudio beato, quam contemplatio mystica visioni & contemplationi beatæ. Contemplatio enim viæ non aspicit Deū sicut est, sed hoc reservatur patriæ & gloriæ: at verò amor & unio viæ Deum gustu dulcissimo percipit in seipso. Quare mens à voluntate quasi emendicat perfectam contemplationem; quia nequit per experientiam Deum agnoscere, nisi divinam bonitatem præguster voluntas.

*Virium
inferiorum,*

7. Ad vires etiam inferiores se porrigit vis mysticæ contemplationis & unionis, & in sensibus tum externis tum internis, & appetitu sensibili varicos, effectus progignit. Quidam enim rapiuntur & alienantur à sensibus, ita ut externi omnino quiescant, & interni cum appetitu sensibili tam agant debiliter, ut non agere & à motu cessare videantur: & sic solus homo superior & apex mentis, sive mens & voluntas in aspectu & affectu divinæ bonitatis defiguntur. Ideo legitur quosdam Santos velut stipites & truncos vel tanquam inanimes statuas in contemplatione aut stetisse aut genua flexisse. Licet autem vi corpora eorum aut loco mota

mota vel etiā verberata , seu aliàs durè & dirè excepta sint; tamen pro illo tempore nullum dolorem percepérunt , vel saltem propter vehementiam contemplationis & inde manantis dulcedinis adverterunt : sed postea , cùm ad se redierunt , & è cœlo quasi in terram delapsi sunt , illatos corpori cruciatus senserunt.

8. Apud alios verò efficacitas contemplationis etiam in vires sentientes exundat , & omnes sensus mirè vel tormentantur & vexantur , vel reficiuntur & recreantur , ita , ut aliquando se contineant nequeant , quin exteriū prodant internum gaudium , & in motus & gestus insolitos erumpant. Ideò de Sanctis multis refertur , subito & repente vel sub oratione exclamasse , ejulasse , lachrymasse , vel in terras se abjecisse , huc , illuc discurrisse , manus complosisse , pedibus terram concussisse , & hujusmodi , contemplatione & unione mystica tales actus urgente & efficiente. Talia leguntur in vita S. Francisci , S. Aegidii & maximè S. Christinæ cognomento mirabilis , & aliorum Sanctorum & Sanctorum. Quin ex impetu spiritus aliquando actus exotici vel etiam in speciem mali eliciuntur , velut constat ex vita S. Simeonis Sali seu Stulti , qui se fatuū simulavit & multa secundū hominem

minem absurdissima egit. Animæ enim mysticæ non reguntur amplius humano consilio, sed altiori principio, nempe dono consilii & instinctu Spiritus sancti.

9. Alii tamen judicant contemplationem verè mysticam nunquam contingere sine ecstasi & raptu. Quia videtur repugnare, ut humana mens DEum suavissimo complexu stringat, quin hoc ipso præ amoris & dulcedinis magnitudine & excessu alias potentias à suis objectis avellat, & à suis operationibus suspendat. Cùm enim vires animæ sint finitæ, necesse est, si una potentia nimium intendatur, alias remitti. Quia ergo in contemplatione & mens in summa luce & voluntas summo calore in divinam bonitatem intimè præsentem & animæ blandientem & amplectentem suspenduntur, aliæ vires à suo motu debent cessare.

& corporis

10. Demum contemplatio etiam in ipsum corpus suas vires exserit, & aliquando ejus suavitas omnes poros corporis sic pervadit, ut subito humoribus malignis depulsis valetudo revertatur, & in plurimos annos sanitas firmetur. Sed (quod mirabile est) aliquando non sanitatem sed infirmitatem, non vitam sed mortem inducit. Cor enim prop-

propter dilectionis & consolationis magnitudinem nimis dilatatur, & apertis portis quasi dirumpitur. Evidem amor boni de se non est passio inferens laesio nem, si tamen nimium intendatur, & in corpus & cor effundatur, suaviter vulnerat & sauciat quandoque usque ad mortem. Et tam dulci morte defuncta est Virgo Mater, imo & alii quidam Sancti potius amoris quam ægritudinis vehementia succubuisse leguntur.

11. Ex praedictis etiam luculentे *Corolla-* colligitur, contemplationem verè mysticam nihil aliud esse quam *notitiam experimentalem divinæ bonitatis præsentis*. Voluntas enim prius intrat & Dei præsentiam gustat, intellectus vero stat foris & exspectat, donec voluntas introducatur in cellam vinariam & ad suavissimum sponsi osculum & complexum admittatur. Quo supposito primùm mens contemplatoris à cognitione per viam negationis assurgit ad notitiam experimentalem, quæ voluntas divinæ bonitatis præsentiam & infinitam dulcedinem percipiat.

12. Quare intellecta semel Theologia mysticā ordinariā & vulgariter nitur via plana ad intellectum Theologiae mysticæ extraordinariæ & verè mysticæ. Nam definitio Theologiae my-

sticæ diff. 1. art. 1. num. 2. & contemplationis diff. 3. art. 1. num. 1. accommodari potest & accommodatur Theologiae mysticæ extraordinariae, modo addatur experimentalis notitia seu cognitio. Similiter omnes divisiones ibidem & art. 2. & alia hac dissertatione & alibi disputata fere quadrant pro Theologia mystica extraordinaria, modò subintelligatur experientia, per hoc enim differunt hæc duæ Theologiae & contemplationes, quod solum vere mystica cognoscat Dei præsentiam & ineffabilem bonitatem & dulcedinem per experientiam. Qui verò diligenter & constanter se exercuerit in Theologia mystica ordinaria, ne dubitet, quin sit obtenturus extraordinariam & hanc felicissimam divinæ bonitatis experimentalem notitiam & gustum mysticum, qui est prægustus æternæ felicitatis, & in quo hujus temporis beatitudo consistit.

13. Sic tum ad mentem Doctorum cum leges scholarum & Magistri Angelici explicantur fere dotes & fructus contemplationis mysticæ: sed hæc verba nobis imperfectis tenebrosa & sicca apparent; contrà perfecti contemplatores & animæ mysticæ, utut simplices & omnis litteraturæ expertes, tamen omnes doctos notitiâ experimentali & sapida dīvinæ

vinæ bonitatis scientiâ excedunt. Hinc etiam perfectius & melius Deum ac di-
vinam bonitatem ejusque præsentiam &
dulcedinem melius, perfectius & luci-
dius præ doctissimis & profundis-
mis Scholasticis , non quidem re-
flexè & secundùm acquisitam sci-
entiam sed directe & secundùm experi-
entiam intelligunt. Felices animæ, quæ
ista sciunt non scholastice sed mystice ,
non ex studio humano , sed ex inspira-
tione divina , non ex instructione homi-
nis, sed Dei , non ex speculatione sed ex-
perientia & infusa sapientia.

DISSESSATIO V.

*De Theologia mystica
erronea.*

ARTICULUS I.

*De hæresibus Beguardorum, Illuminato-
rum, & maximè Quietistarum.*

I.

Dabolus se transformat in Angelum lucis, & dum falsas ecstasies, raptus, locutiones, visiones, appetitio-